

91

NO. SOALAN: 42

**PEMBERITAHUAN PERTANYAAN DEWAN RAKYAT**

**PERTANYAAN: LISAN**

**DARIPADA : DATO' JOHARI BIN ABDUL**

**[SUNGAI PETANI – BN UMNO]**

**TARIKH : 23 NOVEMBER 2017**

**NO. SOALAN : 42**

**Dato' Johari Bin Abdul [Sungai Petani] minta PERDANA MENTERI menyatakan berapa jumlah pelarian Rohingya yang berada di Malaysia dan apakah usaha-usaha yang dilakukan agar memastikan kehadiran mereka di sini membantu pembangunan negara.**

**JAWAPAN: YB. DATO' SERI DR. SHAHIDAN BIN KASSIM**  
**MENTERI DI JABATAN PERDANA MENTERI**

Tuan Yang Di-Pertua,

Berdasarkan statistik Pejabat Suruhanjaya Tinggi Pertubuhan Bangsa-Bangsa Bersatu Mengenai Pelarian (UNHCR) di Kuala Lumpur, **sehingga 30 September 2017**, terdapat seramai **62,153** orang pemegang kad UNHCR etnik Rohingya, Myanmar di Semenanjung Malaysia.

Daripada jumlah ini, seramai **53,811** adalah "**pelarian**", dan seramai **8,342** merupakan pemohon suaka.

Dasar sedia ada negara iaitu tidak membenarkan 'pelarian' termasuk etnik Rohingya, Myanmar bekerja masih lagi dikekalkan memandangkan semua migran asing yang ingin bekerja di negara ini perlu mempunyai dokumen perjalanan yang sah dan mematuhi semua undang-undang, peraturan dan dasar semasa berkaitan kebenaran migran asing bekerja di Malaysia. Kad UNHCR bukanlah merupakan suatu dokumen perjalanan yang sah.

Secara prinsipnya, segala perbelanjaan mereka di sini adalah ditanggung oleh UNHCR.

Walau bagaimanapun, Jemaah Menteri yang bermesyuarat pada 2 Mac 2016 telah memutuskan supaya Kementerian Dalam Negeri melaksanakan Projek Perintis Kebenaran Bekerja Untuk Pemegang Kad UNHCR Etnik Rohingya.

Projek Perintis ini mensasarkan hanya 300 orang kumpulan kecil etnik Rohingya yang bekerja di bawah sektor perladangan dan perkilangan sahaja bagi tempoh tiga (3) tahun. Projek ini dilihat memberi ruang kepada golongan pemegang kad UNHCR untuk menyara kehidupan melalui pekerjaan yang sah.

Sekian, terima kasih.